

PM minta generasi muda cabar diri sendiri keluar dari zon selesa
Utusan Online
14 May, 2013

SUBANG 14 Mei - Datuk Seri Najib Tun Razak meminta masyarakat khususnya generasi muda untuk mencabar diri seterusnya keluar dari zon selesa dan melakukan perkara yang boleh membanggakan negara.

Perdana Menteri berkata, kejayaan negara bergantung kepada semangat daya saing rakyatnya seperti yang dibuktikan oleh penerbang solo, Kapten James Anthony Tan, 21, yang memecahkan tiga rekod sebagai juruterbang solo termuda mengelilingi dunia dalam tempoh 48 hari.

"Saya sempat berbual dengan James sebentar tadi dan beliau berkongsi pengalaman menyeberangi Selat Bearing pada suhu negatif 20 darjah celsius, jadi ia pastinya bukan sesuatu yang mudah," katanya.

Beliau berkata demikian ketika berucap dalam majlis Penyempurnaan Kecemerlangan 1Malaysia Around The World (1RTW) sempena kepulangan James di Pangkalan Tentera Udara Diraja Malaysia (TUDM) di sini hari ini. -UTUSAN ONLINE

Hakcipta Terpelihara © UTUSAN MELAYU (M) BERHAD

Source: http://www.utusan.com.my/utusan/Dalam_Negeri/20130514/dn_26/PM-minta-generasi-muda-cabar-diri-sendiri-keluar-dari-zon-selesa#ixzz2ZnEpnJfh